

Mór antrom inse Banbha

[Eoin Cathmhaolach Mac Giolla Eáin, *Dánta Amhráin is Caointe Seathrúin Céitinn*, p. 62-7]

Marbhnadh Thomáis agus Seagháin Buitléir, .i. dias mhac tighearna Dúin Bhóinne, do marbadh i gcogadh na hÉireann, ins an mbliadhain 1642.

1 Mór antrom inse Banbha,
truagh éagcruth na hathardha,
críoch ghéig-fhillte bhocht an bhróin,
éigcinnte a-nocht a neamh-ghlóir.

2 Fada an tréimhse atá sise
i n-anchruth fán aindeise
gan fóirthin i ndán di,
rói-rithin dál na daoirsi.

3 Clár sein-tsleachta Míleadh móir,
Éire oirear an anshóigh,
mairg dan dú oighreacht ar fhonn,
i ndiú tré fhoirneart eachtronn.

4 Iomdha buaidhreadh is bruide,
móir ndonas is ndochruide,
tarla i gcrích chreat-chuir Chonla,
leath-truim, díth is dionn-fhoghlá.

5 Iomdha cinneamhuin chorragh
tarla is teidhm leath-tromach
do chrích Breagh ghliaidh iomdha glas,
ar feadh Banbha an conncas.

6 Tig na Sean-ghoill tar sáile,
go maicne Míle Easpáine,
tán fhír-bheach, ór bh'ionnlúith inn,
ós mínleach fhionn-mhuir Fheidhlim.

7 Na Fionn-ghoill seo ar dtús do threabh
Fearann cairte clann Míleadh,
tig siad an t-am so 'n-ár dtreas,
do ghníd 's an chlann so cairdeas.

8 Báidh cleamhnais is cuisleann gaoil,
combáidh creidimh do aon-taoibh,
air-mheas gach oirir ortha,
cairdeas oinigh eatortha.

9 Tig dá n-éis ar feadh Banbha
saoithe ain-teann allmurdha

gan bháidh ris an gcéad-dhroing gcóir,
do shéan-roinn chláir an chomhóil.

10 Na nua-ghoill seo, gidh nós grod,
do nochtsad fíoch is formad,
don dá dhroing chalma chruadha,
do chloinn Bhanbha bhláth-bhuadha.

11 Iomdha gleo go ngrís nimhe,
tugsad ar dtreas tintidhe,
móir n-iorghail fearta dá bhfeirg,
síorthain deabhma dá ndí-bhfeirg.

12 Iomdha deigh-fhear,ní díth mion,
d'fhóir Fhionn-ghall is d'fhuil Ghaedhiol,
ro-s-taoth i dteangmháil Bhanbha,
baoth eadráin na hathardha.

13 Fóirne Dubh-ghall, ní díth dhamh,
ón dtroid seo atáid i mbaoghal,
gráin ghéir-reann ós gach aoin-ing,
Pláigh na hÉireann éagcaoinim.

14 Mór dúinntré ar neamh-ágh a-nois,
dá mhac feardha Mic Phiarais,
a marbhadhtré bháidh Bhanbha,
d'amhgar an áil athardha.

15 Tomás Buitléir brath ar bhfuinn,
Seaghán mac maordha Éamuinn,
dá theann ba thorchairthe gail,
dá gheall cothuighthe cogaidh.

16 Dá onchoin i n-am an ghleo,
dá dhraig nár dhóith dá n-aimhdheoin,
dá éigne báineasa Breagh,
téigle áineasa inghean.

17 Dá dhóigh díoghraise deoraidh,
cuileáin cuaine cath-leomhain,
dá theandáil 'nar threise ár mbaidh,
leannáin mo chneis-se ár gcompáin.

18 Lámha i ndeabhthaibh ba dhoichte,
croidhthe gan chruas ndearlaicthe,
port oinigh ón Annúir bhinn,
do ghall-úir oirir Fheidhlim.

19 Do chailleamar, cruaidh an cor,

roighne ár n-óg is ár n-anradh,
dá theinn-bhile do thír báidh,
do dheirbh-fhine Dhúin Drongáin.

20 Torchair Tomás i ruraig Rois,
ag so dí-ghean ár ndonois,
do aithbhris sean-dáir a suim
ó ghleo Chaith-lis Cearbhuill.

21 Tuitim Sheagháin i Múr Mis,
móide ár gcumha teacht tairis,
mo dhearc tré dholás ro-s-shil,
Tomás 'san leacht i Laighnibh.

22 Dá chúis doilghe na dáimhe,
dá ádhbar ár n-ur-ghráine,
dá chréacht ár gcíorrighthe sin,
dá éacht iomduighthe ár n-imnidh.

23 Dá theidhm leonaidh dár láthar,
bás na deise dearbhráthar,
ár dhá chneas-doigh chridhe cháis,
dá dheascair dighe doláis.

24 Dá fháth maoidhthe don Mhumhain,
dár dúscadh ár ndochumail,
dá bhéad is treise rem theasc,
éag na deise ro-m-dhoimheasc.

25 Mo dhá mhac áilne ochta,
dá bhranán an bhantrochta,
dá réaltuinn iuil an einigh,
dá stiuir éacht-fhuinn fhinn-Fheimhin.

26 Crobhaing do chraobhaibh turra,
cuaine déadla dathamhail,
mic ríogh is ríoghna nár locht,
díorma dár fhíor a n-annacht.

27 Ní heasbaidh líith ná láthair,
ní díoth sluaigh ná soláthair,
tug oidhidh na mbranán mbinn,
acht an-ágh oirir Fheidhlim.

28 Beag do mhío-rath mhúir Bhanbha,
d'foghlaibh an áil allmhurdha,
sciath ar an oineach i n-ár
díoth ár n-aithreach 's ár n-ógán.

29 I n-eadráin Fhódla na n-olc,
do thuitsead, truagh an mhalart,
dá throm-fhás ba threise i n-ágh,
Tomás 's ár seise Seaghán.

30 Doiligh díobhadh na géige,
Tomás mín mac Mairghréige,
stuagh neamh-chorrach an ghlúin ghlain,
ó Dhún each-longach lascaigh.

31 Cuileán dragáin Dúin Bhúinne
Seaghán socrach seang-Siúire,
ro-s-taoth le gruam-anraidh Gall,
laoch ba chruadh-arnaidh comhlann.

32 Muna truaighe a dtuitim sin
tar chionn coinbhliocht cláir fhuinidh,
mic ghníomhradh, dár ghnáth geallta,
bláith ríoghradh na ríoghachta.

33 Dá mbadh deoin le Dia athair
foghail cniocht do chríochnaghadh,
na hairigh nár bh'fhann re ár linn.
níorbh bh'am dá n-oighidh d'Éirinn.

34 Fán dá mhac so is móide ár gcás
a bhfuair sinn-ne dá sólás,
tuilleadh bróin riom do rannadh,
'mun nglóríngiorr do ghlacamar. MÓR ANTROM.